

續輯均州志卷之十四

古蹟志敘

漢寢唐陵荒臺舊苑廢而為墟過者增嘆滄浪之  
澣禹跡茫茫華君銘杏韋氏碑荒世易時移依然  
陵谷片石摩娑如接芳躅登高懷遠思古情深荒  
煙蔓草時復追尋高士之壟尚禁樵採落落風徽  
千秋如在於是溯秦漢而上訖元明而還志古蹟  
武當故城

在州北戰國時均陵地屬楚漢置縣唐移縣治而

續輯均州志

卷之十四

古蹟

一

此城廢

通志

按武當故城即今州治說見營建州城攷

平陵廢縣

在州北隋義甯二年置平陵縣武德七年省

舊唐書地

理志武當縣有平陵鎮

九域志

平陽廢縣

在州北南北朝宋置梁省始平太守領縣平陽

江北平陽郡民流寓立此

宋書州郡志

均陽廢縣

在州東北浙陽郡均陽梁置

隋書地理志

武德八年

省入武當

舊唐書地理志

### 古寨城

在故武當縣北戰國時楚築以備秦

文獻通考

### 三王城

舊志云一在州東北一在州東南一在州西南隅漢末王莽支庶王康王常王鳳各築一城志在不軌佯城此以禦侮光武興皆墮考王常潁川舞陰人佐光武中興後漢書列傳王鳳新市人初爲新市平林帥歸更始封成國公進封宜城王惟康無

續輯均州志

卷之十四

古蹟

二

考然與王鳳同起兵者有王匡亦新市人與鳳同歸更始封定國公進封比陽王康當卽匡字音訛耳第此三人者固與光武先後起兵討莽當天下一共逐時志固不可測第以爲莽支庶未知何所依據按安陸府京山縣亦有三王城在太陽山三人姓名同事亦畧同故址尙存又有臺云卽三王起兵處世遠年湮莫得詳辨也

府志

### 太和樓

在州南城上對太和峯故名今廢

宗海樓

在州東一里下臨清漢江山映帶景物之變無窮  
宋宣和中建陸愷有記今廢東樓望月爲八景之  
三

凌霄亭

在州城西南隅今廢遺址尙存

臥雲亭

在龍巢山玉皇閣左今廢

霖雨亭

續輯均州志

卷之十四

古蹟

三

在龍巢山康熙五十四年知州錢世俊重修今廢  
遺址尙存

滄浪亭

在州東北三里濱漢江水經注於此載漁父滄浪  
之歌今有孺子歌處四大字刻於崖石康熙中知  
州王民皞修太和山志謂孺子所歌在鄒魯之嶧  
山漁父所歌在湖南之龍陽恐亦不足爲確論按  
此亭去滄浪洲不四十里而去州城僅三里當爲  
置州後所建居滄浪水之下流以爲州人憑眺佳

境耳府志滄浪綠水爲八景之二

憑虛亭

在滄浪亭上今廢

尹公亭

在州境宋尹洙謫居時建因名今廢

望仙亭

在州南舊記云州西南絕勝之境今廢

井泉亭

在州南赤山東今廢

續輯均州志

卷之十四

古蹟

四

禹蹟亭

在太和山紫霄宮前下有禹蹟池相傳大禹隨刊至此

濮王宮

詳寺觀

和城聚

在州境漢書郡國志武當有和城聚

觀音閣

在滄浪亭左半里許閣後有洞曰朝陽

誦經臺

在州西南五龍宮相傳陳希夷誦易處

古銅殿

在武當天柱峯元時建明永樂中移置小蓮峯今名爲轉展殿

治世元岳坊

在州南五十三里琢文石爲之明世宗朝賜額海隅集

羅公巖

續輯均州志

卷之十四

古蹟

五

在州南八十五里一名狀元巖明羅念菴隱居於此因以名巖康熙中知州黨居易有詩

榔梅

在太和山相傳真武折梅寄榔樹上祝曰若道成則花開果結後竟如其言今樹尙在

江元帥墓

在馬鞍山有墓碑

梁王墓

在州西北一百里後有人入其墓寬敞有鐵柱四

繫硃棺

雙塚

在州南十五里二塚相連勢極崇峙逸邇約里許塚前一翁仲僅存碑碣殘沒其人其世均無考

明御史李紹墓

在州南

明御史張纁墓

在州西南

明淮安知府楊遜墓

續輯均州志

卷之十四

古蹟

六

在州西